

道家部

淮南子卷

7

華東師範大學

「子藏」編纂中心編

總編纂 方勇

副總編纂 吳平

子藏

國家圖書館出版社

子藏

道家部

淮南子卷

7

華東師範大學
「子藏」編纂中心編

總編纂 方勇

副總編纂 吳平



國家圖書館出版社

圖書在版編目(CIP)數據

子藏·道家部·淮南子卷:全六十冊 / 方勇主編. — 北京:國家圖書館出版社, 2017. 12

ISBN 978 - 7 - 5013 - 6213 - 4

I. ①子… II. ①方… III. ①先秦哲學—研究 ②《淮南子》—研究
IV. ①B220.5 ②B234.4

中國版本圖書館 CIP 數據核字(2017)第 218770 號

書 名 子藏·道家部·淮南子卷(全六十冊)

著 者 方 勇 主編

責任編輯 張愛芳 黃 靜

封面設計 敬人書籍設計工作室
呂敬人 + 呂旻

出 版 國家圖書館出版社(100034 北京市西城區文津街 7 號)
(原書目文獻出版社 北京圖書館出版社)

發 行 010 - 66114536 66126153 66151313 66175620
66121706(傳真) 66126156(門市部)

E - mail nlcpres@nlc.cn(郵購)

Website www.nlcpres.com→投稿中心

經 銷 新華書店

印 裝 河北三河弘翰印務有限公司

版 次 2017 年 12 月第 1 版 2017 年 12 月第 1 次印刷

開 本 787 × 1092(毫米) 1/16

印 張 2243.5

書 號 ISBN 978 - 7 - 5013 - 6213 - 4

定 價 39000.00 圓

第七冊目錄

淮南鴻烈解二十八卷(卷二十五至二十八)

(漢)許慎注 (明)劉績補注 (清)浦起龍批校 明嘉靖九年(1530)黃焯永州刊本 …………… 一

淮南鴻烈解二十八卷(卷一至十七)

(漢)許慎注 (漢)高誘注
明萬曆七年(1579)朱東光刊《中立四子集》本 …………… 一八七

淮南鴻烈解卷之二十五

漢許慎記上江夏劉績補註

延平黃焯較刊

人間訓

人間之事吉凶之幾也

中微得失之

清淨恬愉人之性也儀表規矩事之制也知人之性其自養不勃知事之制其舉錯不惑發一端散無竟周八極總一筦謂之心見本而知末觀指而睹歸執一而應萬握要而治詳謂之術居知所為行知所之事知所秉動知所由謂之道道者置之前而不輟輟古字錯之後而不

軒內之尋常而不塞布之天下而不窕是故使
人高賢稱譽已者心之力也使入卑下誹謗已
者心之罪也夫言出於口者不可止於人行發
於邇者不可禁於遠事者難成而易敗也名者
難立而易廢也千里之隄以螻蟻之穴漏百尋
之屋以突隙之煙焚突突竈也堯戒曰戰戰慄慄日
慎一日人莫蹟於山而蹟於垤蹟蹟也垤是故
人皆輕小害易微事以多悔患至而後憂之是
由病者已倦劇倦而索良醫也雖有扁鵲俞跗之
巧猶不能生也俞跗黃帝時醫夫禍之來也入自生之

福之來也人自成之禍與福同門利與害為鄰
非神聖人莫之能分凡人之舉事莫不先以其
知規慮揣度揣商量也而後敢以定謀其或利或
害此愚智之所以異也曉自然以為智知存亡
之樞機禍福之門戶舉而用之陷溺於難者不
可勝計也使知所為是者事必可行則天下無
不達之塗矣是故知慮者禍福之門戶也動靜
者利害之樞機也百事之變化國家之治亂待
而後成是故不溺於難者成是故不可不慎也
天下有三危少德而多寵一危也才下而位高

二危也身無大功而有厚祿三危也

故物或損之而益或益之而損何以知其然也

昔者楚莊王既勝晉於河雍之間莊王敗晉於

雍地也歸而封孫叔敖辭而不受病疽將死謂

其子曰吾則死矣王必封女女必讓肥饒之地

而受沙石之間有寢丘者其地确石而名醜醜寢

今汝南固始地前有醜荊人鬼好事越人機祥人

莫之利也孫叔敖死王果封其子以肥饒之地

其子辭而不受請有寢之丘楚國之俗功臣二

世而爵祿唯孫叔敖獨存此所謂損之而益也

何謂益之而損昔晉厲公南伐楚東伐齊而伐
秦北伐燕兵橫行天下而無所繇繇威服四方
而無所詘遂合諸侯於嘉陵氣充志驕淫侈無
度暴虐萬民內無輔拂之臣外無諸侯之助戮
殺大臣親近導諛明年出遊匠驪氏樂書中行
偃劫而幽之樂書中行偃皆大夫諸侯莫之救百姓莫之
哀三月而死夫戰勝功取地廣而名尊此天下
之所願也然而終於身死國亡此所謂益之而
損者也夫孫叔敖之請有寢之丘沙石之地所
以累世不奪也晉厲公之合諸侯於嘉陵所以

身死於匠驪氏也衆人皆知利利而病病也唯

聖人知病之為利知利之為病也夫再實之木

根必傷掘藏之家必有殃掘藏謂發冢得伏藏無功受財○文子作

多藏之家以言大利而反為害也張武教智伯

奪韓魏之地而擒於晉陽張武智伯臣也擒於晉陽為趙襄子所殺

申叔時教莊王封陳氏之後而霸天下申叔時楚大夫

也莊王滅陳已乃復之也孔子讀易至損益未嘗不憤然而

歎曰益損者其王者之事與

事或欲以利之適足以害之或欲害之乃反以

利之利害之反禍福之門戶不可不察也

陽虎為亂於魯

陽虎李氏之臣也陽虎叛李氏專魯國也

魯君令人

閉城門而捕之得者有重賞失者有重罪圍三

匝而陽虎將舉劒而伯頤

伯頤迫門者

止之曰天下

探之不窮

不窮言深遠

我將出子陽虎因赴圍而逐

揚劒提戈而走門者出之顧反取其出之者以

戈推之攘袂薄腋

袂出之者

怨之曰我非故與

子反也為之蒙死被罪而乃反傷我宜矣其有

此難也曾君聞陽虎失大怒問所出之門使有

司拘之以為傷者受大賞而不傷者被重罪此

所謂害之而反利者也

何謂欲利之而反害之楚恭王與晉人戰於鄆

陵戰酣

晉人晉厲公

恭王傷

晉人射恭王中肩也

而休司馬子

反渴而求飲

豎陽穀奉酒而進之

豎陽穀其小使也子

反之為人也嗜酒而甘之不能絕於口遂醉而

臥恭王欲復戰使人召司馬子反子反辭以心

痛王駕而往視之入幄中而聞酒臭恭王大怒

曰今日之戰不穀親傷

不穀不祿也人君謙以自稱也

所恃者

司馬也而司馬又若此是亡楚國之社稷而不

率吾衆也不穀無復與戰矣於是罷師而去之

斬司馬子反為僂故豎陽穀之進酒也非欲禍

子反也誠愛而欲快之也而適足以殺之此所

謂欲利之而反害之者也夫病濕而強之食

文。

子作強餐是熱病暍而飲之寒此衆人之所以為養也

而良醫之所以為病也快於目悅於心愚者之

所利也然而有道者之所避也故聖人先忤而

後合衆人先合而後忤

有功者人臣之所務也有罪者人臣之所辟也

或有功而見疑或有罪而益信何也則有功者

離恩義有罪者不敢失仁心也

魏將樂羊攻中山

樂羊文侯之將

其子執在城中縣其

子以示樂羊樂羊曰君臣之義不得以子為私
攻之愈急中山因烹其子而遺之鼎羹與其首
樂羊循而泣之曰是吾子已為使者跪而啜三
杯使者歸報中山曰是伏約死節者也不可忍
也遂降之為魏文侯大開地有功自此之後日
以不信此所謂有功而見疑者也

何謂有罪而益信孟孫獵

孟孫魯大夫

而得麇使秦

西巴持歸烹之麇母隨之而唬秦西巴弗忍縱
而予之孟孫歸求麇安在秦西巴對曰其母隨
而唬臣誠弗忍竊縱而予之孟孫怒逐秦西巴

居一年取以為子傅左右曰秦西巴有罪於君
今以為子傅何也孟孫曰夫一魔而不忍又何
況於人乎此謂有罪而益信者也故趨舍不可
不審也此公孫鞅之所以抵罪於秦而不得入

魏也

公孫鞅商君也為秦將魏人欺公孫鞅而殺之後有罪走魏魏人不入也

功非

不大也然而累足無所踐者不義之故也

事或奪之而反與之或與之而反取之智伯求
地於魏宣子宣子弗欲與之任登曰智伯之強
威行天下求地而弗與是為諸侯先受禍也不
若與之宣子曰求地不已為之柰何任登曰與

之使喜必將復求地於諸侯諸侯必植耳

植耳

而聽與天下同心而圖之一心所得者非直吾

所亡也魏宣子裂地而授之又求地於韓康子

韓康子不敢不予諸侯皆恐又求地於趙襄子

襄子弗與於是智伯乃從韓魏圍襄子於晉陽

三國通謀擒智伯而三分其國此所謂奪人而

反為人所奪也

何謂與之而反取之晉獻公欲假道於虞以伐

虢遺垂棘之璧與屈產之乘虞公惑於璧與馬

而欲與之道宮之奇諫

宮之奇諫虞臣也

曰不可夫虞之

與虢若車之有輪輪依於車車亦依輪虞之與
虢相恃而勢也若假之道虢朝亡而虞夕從之
矣虞公弗聽遂假之道荀息伐虢遂克之荀息
夫還反伐虞又拔之此謂與之而反取者也

聖王布德施惠非求其報於百姓也郊望禘嘗

郊祭天望祭日月星辰山川也禘嘗祭宗廟也非求福於鬼神也山致

其高而雲起焉水致其深而蛟龍生焉君子致
其道而福祿歸焉夫有陰德者必有陽報有陰
行者必有昭名古者溝防不修水為民害禹鑿
龍門辟伊闕平治水土使民得陸處百姓不親